

Starfsemin

Dagsskipulagið

Byrjað er á rólegu viðfangsefni kl. 8 eins og að lesa bók eða púsla.

Morgunmaturinn byrjar síðan um kl 08:20.

Hópastarf er síðan frá rúmlega 9 og þá er farið í íþróttahúsið, myndlistarstofu eða verið inn á deild.

Kl. 10 er farið í samverustund og síðan ávextatími og farið út. Eftir útivist er farið í söngstund en þar syngjum við sömu löggin í mánuð svo þau læri textann.

Hádegismaturinn er kl. 11:50 og hvíldin byrjar 12:25. Eftir hana er annað hvort farið út eða verið inni á deild og elstu börnin í skólahóp.

Nónhressing kl. 14:30 og síðan frjáls leikur inn á deild.

Læsi

Eins og þið vitið er lögð mikil áhersla á læsi þessi misserin. Að sjáfsögðu höfum við verið að sinna því frá upphafi leikskólastarfsins. En nú ætlum við að reyna að gera það markvissara/upplýstara, með meiri upplýsingum til foreldra.

Samverustund.

Farið er í hvaða dagur er, nöfn barnanna, hvað foreldrar heita og veðrið. Einnig höfum við verið að fara í það hvað stafirnir segja með táknum (Lubbi finnur Málbeinið). Talað er um uppeldi til ábyrðar og þá aðallega öryggi. Einnig er stundum lesið.

Val

Reynt að leyfa börnunum að velja sjálfum hvað þau vilja leika með. Stundum þarf að nefna nokkur atriði og þá kveikja þau á perunni. Ætlast er til þess að mestu leyti að börnin séu í þeim leik sem þau velja sér, fá þó að skipta eftir 15-20 mín. ef þau eru óánægð með það sem þau völdu.

Hópastarfið

Á mánudögum er farið í íþróttahúsið og/eða gönguferðir.

Á þriðjudögum er farið í myndlistarstofu.

Á miðvikudögum förum við í einingakubba.

Tvisvar í viku eru skólaverkefni; eftir hádegi á mánudögum og miðvikudögum hjá elstu börnunum.

Á föstudögum er val

Útivera er alla daga, 10:30-11:30, á þriðjudögum og fimmtud. eftir hádegi líka 13:00-14:00

Hvíld

Í leikskólanum hvíla öll börn sig eftir hádegið. Sumir sofa en aðrið eru vakandi og eru að hlusta á söguna eða rólega tónlist. Hvíldin er u.þ.b 20 mín. fyrir þau sem sofa ekki. Við viljum því hafa rólega stund á milli 12:25 – 12:50 og biðjum við alla um að virða það.

Veikindi/Innivera

Vinsamlegast látið vita ef barnið mætir ekki í leikskólann vegna veikinda eða af öðrum ástæðum. Hafi barn verið veikt er heimilt að óska eftir því að það taki ekki þátt í útiveru. Þá er miðað við 1 dag eftir veikindi enda hafi barnið verið hitalaust a.m.k. 1 dag heima áður. Að öðru leyti er reiknað með að barnið geti tekið þátt í öllu starfi leikskólans, úti sem inni, þegar það mætir. **Lyfjagjöf er ekki leyfð í leikskólanum nema í undantekningartilfellum.**

Hafi barn verið fjarverandi vegna veikinda í a.m.k. 4 vikur er heimilt að fella niður dvalargjöld um helming gegn framvísun læknisvottorðs.

Ef barn er fjarverandi í 2 vikur samfelld eða meira fellur fæðisgjald niður, þann tíma, **enda sé fjarvera tilkynnt með fyrirvara.** Leikskólagjöld falla niður í samfelldu sumarfríi barna. Boðið er upp á 4, 6 eða 8 vikur.

Eitt og annað

Við viljum minna á að nauðsynlegt er að börnin hafi meðferðis föt er hæfa veðri hverju sinni, kuldagalla, pollaföt, hlífðarbuxur og þ.h.

Þessi föt mega hanga í hólfum barnanna alla vikuna en vinsamlega takið þau heim á föstudögum.

Vinsamlega kíkið reglulega í kassann til þess að vita hvort það vanti í hann. Það er ekki gott fyrir barnið ef það vantar húfu, vettlinga eða eitthvað annað, því við höfum engin föt til að lána.

Við minnum líka á það að fötin sem börnin eru í á leikskólanum eru vinnuföt. Börnin fara að sjálfsögðu í svuntu þegar þau eru að vinna sullvinnu en alltaf geta komið fyrir óhöpp og þá er leiðinlegt ef það er ný og góð flík. Ekki er tekin ábyrgð á fatnaði sem skemmist.

Við viljum biðja ykkur foreldrar góðir að virða stundaskrána, þ.e. koma með barnið ekki seinna en klukkan 8:30 ef það á að fá morgunmat.

Ef barnið er veikt eða í fríi vinsamlegast hringið og látið vita.

Vinsamlega komið með barnið inn á deild og vera viss um að starfsmaður taki á móti því.

Jafnframt viljum við minna ykkur á að virða umsóttan vistunartíma. Þ.e. ekki koma of snemma með barnið og ekki sækja það of seint. Barn sem er með tíma t.d. til kl. 16 á að vera farið kl. 16. Við merkjum við í þau skipti sem það gerist. Varðandi garðhliðið; vinsamlega lokið því ALLTAF og látið slyskjuna fyrir.

Við leggjum mikla áherslu á að börnin séu ánægð og glöð í leikskólanum og að þeim finnist gaman að vera hér og hafi gaman af því sem við erum að gera. Þannig læra þau líka best.

Gott samstarf milli foreldra og starfsfólks er mjög mikilvægt.

Barnið er jú það sem sameinar okkur og við viljum auðvitað að barninu líði sem allra best.

Fjarðabyggð er búin að innleiða í alla skóla sína uppeldisstefnu sem ber heitið „Uppeldi til ábyrgðar“ og hefur verið kynnt ykkur að einhverju leyti. Ef þið hafið áhuga á að kynna ykkur þetta betur, þá er hægt að nálgast bækurnar í bókasafninu.

Þær heita „Barnið mitt er gleðigjafi,, og „Sterk saman“ sem er meira byggð á leiðsögn um erfið börn.

Fleira verður nú sjálfsagt um að vera og verður það auglýst jafnóðum.

Munið einkunnarorðin okkar.

Gagn og gaman

Okkur finnst þessi orð segja það sem okkur langar til að leikskólinn okkar standi fyrir og ykkur er velkomið að nota þau á það sem við kemur leikskólabarninu ykkar.

Með kveðju og ósk um góðan vetur,
starfsfólk leikskólans.